

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2026. godinu Federalnom ministarstvu raseljenih osoba i izbjeglica, V. broj: 294/2026 od 06.03.2026. godine („Službene novine Federacije BiH“, broj: 19/26) i Plana povratka, obnove, gradnje i razvoja održivog povratka za 2026. godinu, federalni ministar raseljenih osoba i izbjeglica, raspisuje

JAVNI POZIV **za sufinansiranje projekata udruženja raseljenih lica, povratnika i izbjeglica iz oblasti** **kulture i sporta usmjerenih na unaprjeđenje položaja i statusa ovih kategorija društva** **za 2026. godinu**

I

Svrha Javnog poziva

Javni poziv se raspisuje radi podrške nevladinim organizacijama – udruženjima koji u svom članstvu imaju raseljena lica, povratnike ili izbjeglice, sufinansiranjem projekata iz oblasti kulture i sporta usmjerenih na unaprjeđenje položaja i statusa ovih kategorija društva.

II

Cilj Javnog poziva

Cilj Javnog poziva jeste realizacija projekata udruženja čije su programske aktivnosti usmjerene na unaprjeđenje kvaliteta života ovih kategorija našeg društva.

III

Pravo učešća

Pravo učešća u Javnom pozivu ostvaruju registrovane nevladine organizacije - udruženja, koja u svom članstvu imaju raseljene osobe, povratnike i izbjeglice, odnosno udruženja čije su programske aktivnosti usmjerene na unaprjeđenje kvaliteta života raseljenih lica, povratnika i izbjeglice na području cijele Bosne i Hercegovine.

IV

Ograničenje prava učešća

Sva pravna lica, vjerske zajednice i udruženja koja nisu opravdala namjensko korištenje dodijeljenih budžetskih sredstava po ranijim programima ovog Ministarstva i nisu ispoštovala ugovorene uslove, nemaju pravo učešća u ovom Javnom pozivu.

V

Finansijska sredstva

- (1) Za realizaciju ovog Javnog poziva planirana su finansijska sredstva u iznosu do 600.000,00 KM.
- (2) Ministarstvo će sufinansirati projekte udruženja koja budu odabrana u skladu sa ovim Javnim pozivom u iznosu od 1.000,00 KM do 5.000,00 KM.
- (3) Korisnik je obavezan da sufinansira preostali iznos odobrenog projekta.
- (4) Korisnik je obavezan dostaviti izvještaj Federalnom ministarstvu raseljenih osoba i izbjeglica po realizaciji ugovora o sufinansiranju troškova odobrenog projekta.

VI

Opći kriteriji

Opći kriteriji za sufinansiranje projektnih prijedloga udruženja su:

1. Čitko popunjen, potpisan i ovjeren aplikacioni obrazac prijave u pisanoj formi i elektronskoj formi koji se nalazi na [linku](#);
2. Aktuelni izvod iz Registra udruženja;
3. Statut udruženja;
4. Uvjerenja o identifikacionom broju;
5. Ugovor sa bankom o otvaranju transakcionog/tekućeg računa;

Svi navedeni dokumenti moraju biti u originalu ili ovjerenoj kopiji ne starijoj od 30 dana.

VII

Posebni kriteriji

Posebni kriteriji nisu obavezni ali se dodatno vrednuju i mogu uticati na ukupno rangiranje prijave:

1. Izjava o broju članova udruženja, ovjerena od strane odgovorne osobe udruženja i pečatom;
2. Izjavom od strane odgovorne osobe udruženja ovjerene pečatom ili drugi adekvatan dokaz o širini i veličini prostora u kojem udruženje djeluje (na području MZ-e, više MZ-a, općina, kantona, entiteta, države);
3. Izvještaj o radu sa rezultatima i uspjesima u realizaciji dosadašnjih projekata i njihov značaj za članstvo i daljnji rad udruženja, izjava ovjerena pečatom udruženja;
4. Obrazložen projektni prijedlog, ovjeren od strane ovlaštene osobe i pečatom udruženja, koji sadrži:
 - a. naziv, ciljeve, očekivane rezultate projekta;
 - b. kvalitet, kompletnost i originalnost projekta;
 - c. finansijski plan rada za 2026. godinu iz kojeg se vidi visina sredstava potrebnih za sufinansiranje projekta

VIII

Odabir projekatnih prijedloga i korisnika po ovom Javnom pozivu će vršiti posebna komisija koju imenuje federalni ministar raseljenih osoba i izbjeglica.

Komisija će razmatrati prijave u skladu sa „Procedurama za finansiranje projekata udruženja raseljenih lica, povratnika i izbjeglica iz oblasti kulture i sporta, usmjerenih na unaprjeđenje položaja i statusa ovih kategorija društva“ koje donosi federalni ministar raseljenih osoba i izbjeglica i u skladu sa odredbama ovog Javnog poziva.

Prijave udruženja koja nisu dostavila izvještaj o utrošku namjenskih sredstava iz ranijih godina do objavljivanja ovog javnog poziva neće biti razmatrane.

IX

Obrazac prijave je dostupan na internet stranici Federalnog ministarstva raseljenih osoba i izbjeglica na [linku](#), kao i [elektronski prijavni obrazac](#), a može se preuzeti i lično u prostorijama Ministarstva na adresi: Hamdije Čemerlića broj 2. Sarajevo.

Prijave sa popunjenim prijavnim obrascem i svim traženim dokumentima dostaviti lično ili poštom preporučenom poštom na adresu:

Federalno ministarstvo raseljenih osoba i izbjeglica

Ul. Hamdije Čemerlića br. 2.

71000 Sarajevo

u zatvorenoj koverti sa naznakom:

“Prijava na Javni poziv za sufinansiranje projekata udruženja raseljenih lica, povratnika i izbjeglica iz oblasti kulture i sporta usmjerenih na unaprijeđenje položaja i statusa ovih kategorija društva za 2026. godinu“

(Na poledini koverta navesti naziv udruženja, tačnu adresu i kontakt telefon).

Rok za prijave je 31. mart 2026. godine.

Dodatne informacije mogu se dobiti na tel: 033/294-173.

Nepotpune i neblagovremene prijave neće se uzimati u razmatranje.

Federalno ministarstvo raseljenih osoba i izbjeglica nema obavezu vraćati predatu dokumentaciju aplikantima.

MINISTAR

Nerin Dizdar

BOSNA I HERCEGOVINA
FEDERACIJA BOSNE I HERCEGOVINE



Federalno ministarstvo
raseljenih osoba i izbjeglica

Broj: 06-32-6-587-1/26
Sarajevo, 12.03.2026. godine